

彭

水

志

良

彭水縣志卷之二

食貨志

曰食曰貨八政所先貨惡棄地食爲民天農服先疇商循族氏成賦中邦以養君子志食貨

戶口

隋書地理志黔安郡統縣二戶一千四百六十

唐書地理志江南道黔州六縣戶四千二百七十口二萬四千一百四十

宋史地理志紹慶府戶二千八百四十八

彭水縣志

卷二 食貨

戶口

一

元史地理志紹慶府戶三千九百四十四口一萬五千一百八十九

明代彭水縣人丁二千九百六十六丁戶口原編銀三十九兩一錢五分起運布政司銀二十七兩九錢五分存留本縣銀一十一兩二錢均徭實編銀八百五十三兩九錢一分

國朝自康熙六年奉文清查起至四十九年止共編人丁六百四十七丁九釐九毫六絲九忽徵丁銀三百二十四兩三錢一分一釐七毫三絲五微五塵六纖徵條銀一百九十三兩八錢二分四釐一毫八忽五微四塵三纖遇閏加增

雍正七年人丁八百五十三丁八分七釐二絲九忽三微所
有丁條銀 准部覆併入大糧不另起算

乾隆二十年入丁四千五百七十七

嘉慶十九年增戶八十六

道光四年現編人丁三萬四千六百四十二丁

盛世滋生戶口四千七百四十丁永不加賦

田賦

明萬曆間原額稅糧一千七百九十石五斗五升三合三勺九撮八圭四粒六粟

國朝自康熙六年奉文清查起至四十九年止清出上中下等田地共九百八十六頃四十八畝六分六釐一毫九絲六忽稅糧三百八十六石七斗三升七合五勺三抄九撮七粒四粟徵銀三百四十二兩九錢三分八釐三絲五忽三微九塵五纖

雍正七年稅糧五百一十石三斗一升三合八勺四抄七撮

彭水縣志

卷二 食貨

田賦

三

二圭七粒一粟合併徵丁條糧一千一百三十六兩二錢一分七釐九絲四忽八微三塵

嘉慶十九年載上中下田地三千三百二十六頃四十三畝七分三釐併丁條糧徵銀二千五百三十七兩三錢一分八釐

道光四年載上中下田地三千三百二十六頃六十四畝四分二釐九毫九絲七忽八微六塵九纖徵丁條糧銀二千五百三十七兩四錢三分五釐四毫四絲五忽七微七塵七沙遇閏加增

現在額糧一千一百三十九石六斗五升四合九勺七抄
應解地丁銀二千五百三十七兩四錢三分五釐火耗銀三
百八十兩六錢一分五釐遇閏加增銀一百一十四兩二錢
三分一釐共火耗銀三百九十七兩七錢五分
應解津貼銀二千五百三十七兩四錢三分五釐無火耗遇
閏不加增每百兩扣鞘匣繩索銀二兩

領支

本縣春秋祭 聖廟及各壇銀十六兩在條糧內動支續增 武廟春秋祭銀十六兩酌撥銀二兩祭厲壇在條糧內動支又增 文廟春秋祭銀十四兩在鹽茶耗羨內動支本縣知縣一員俸銀四十五兩儒學訓導一員俸銀四十兩郁山鎮巡檢一員俸銀三十一兩五錢二分本縣典史一員俸銀三十一兩五錢二分

縣署額設門子二名皂隸十四名馬快八名轎傘扇夫七名禁卒八名更夫五名捕役二名件作二名每名工食銀六兩

隨學件作二名每名工食銀三兩以上歲支銀二百九十四兩民壯十八名每名工食銀八兩共銀一百四十四兩斗紀一名倉夫二名每名工食銀六兩共銀十八兩舖司兵二十名每名月給工食銀五錢遇閏加增現在發四成工食歲共支錢四十八兩

訓導署額設門斗一名膳夫一名每名工食銀六兩共銀十二兩

巡檢署額設門子一名皂隸一名每名工食銀六兩共銀十二兩添設弓兵六名每名工食銀八兩共銀四十八兩外書

巡八名久經裁撤

典史署額設門子一名皂隸四名馬夫一名每名工食銀六兩共銀三十六兩

本縣廩生二十名每名餼糧銀三兩二錢共銀六十四兩遇
閏加增銀五兩三錢三分三釐

本縣汛兵三十九名內戰兵十三名每名餉銀二十兩零八錢守兵二十六名每名餉銀十四兩零八錢郁山汛兵四十一名戰守餉銀與縣汛同

以上 文 武廟祭祀正佐官俸銀禁更捕件工食皆具

文赴司請領其 聖廟各壇祭祀廩餼衙役民壯倉斗舖
司弓兵工食皆在地丁內扣留支發汛兵餉銀由汛詣營
請領

倉儲

明萬歷間秋糧存留本縣儒學倉米四百二十三石六斗四升五合七勺

國朝康熙三十年署縣沈穎錫始於儀門左立倉廩五間其後大堂二堂皆續立倉廩凡十間計城鄉共儲常平倉穀二千三百七十九石七斗九升監倉穀三千一百四十石二斗一升社倉穀二千一百二十石三斗七升八勺義倉穀一千三百七十三石各堡社倉穀二千九百九十石

道光十年縣城大水常平監倉社倉諸穀漂沒無存後節次

彭水縣志

卷二 食貨

倉儲

七

買穀填倉實儲常平監倉穀五千五百二十石社倉未填

咸豐三年奉文變糶倉穀二千五百石七年奉文變糶一千八百一十二石均係解濟兵餉現在實儲常平監倉穀一千二百零八石

分貯四鄉社倉穀三千八百七十五石六斗五升因各鄉社首每多虧空內除移交冊內載有各鄉社首繳賠銀錢足買穀一千三百二十四石三斗一升外餘二千五百五十一石三斗四升因社首人亡產絕無從著追稟明各憲有案

濟田歲收倉穀四十石嘉慶二十二年知縣葉懋勳籌款買

置地在長灘鄉每年收穀存倉以備荒歉賑濟之用除已前
動碾濟荒外現存倉穀一千零四十四石六斗

藉田歲收倉穀四斗地在河西先農壇現存倉穀七十三石
一升六合六勺

郁山鎮義倉在開元寺同治十一年巡檢胡林與本鎮紳糧
捐建租寺僧隙地置倉二間現存市斗穀二百石以備荒歉
平糶之用

鹽茶

邑內鹽茶均有引稅而茶又不及鹽之盛產鹽有二地曰郁山鎮曰鹹山峽但峽濱涪江易遭淹沒沁淡之患且石壁險仄無地煎熬惟郁山之鹽自漢至今不廢考華陽國志云漢髮縣有鹽井隋唐史志亦謂彭水伏牛山有鹽井但未詳產鹽多寡及稅課章程明代郁山四井皆小竈焚草煎鹽曰郁山井課銀三十三兩六錢草船課銀五錢曰鵝鳩井課銀三十二兩八錢五釐八毫草船課銀二兩曰雞鳴井課銀二十一兩七錢四分皆無草船課外楠木小井課銀二兩四錢巖

渴課銀七錢

國初郁山四井共設竈丁八十一戶徵課銀二百六十八兩八錢五分四釐三毫五絲曰郁山井竈丁二十一戶課銀八十六兩五錢五分曰鵝鳩井竈丁三十七戶課銀九十六兩零四釐三毫五絲草船課銀二兩曰雞鳴井竈丁十五戶課銀三十六兩四錢八分曰飛水井竈丁八戶課銀四十七兩八錢二分順治甲午有明永曆帝遣官羅提舉來鎮見竈民離散官出資燒鹽商販始行收稅後遂仍而不改竈課商稅始並收矣

康熙二十七年始奉文請領部引共水引三十二道陸引五百一十七道徵稅銀二百四十九兩七錢九分八毫解按察司庫上納後竈民繁富續行開鑿於是有黃玉井皮袋井逢源井古源井鳳儀井新興井正興井長壽井楠木井鶉鳩井雞鳴井中井飛井老郁井共十四井徵課銀四百五十六兩九錢四分五釐共增配犍水引五十張犍郁陸引四千五百三十三張徵稅銀一千四百零五兩零九釐解通省鹽茶道庫上納

嘉慶以後古源逢源黃玉鳳儀諸井俱廢現在實存十井曰

彭水縣志

卷二 食貨

鹽茶

十

新井曰正井曰老郁井四季可煎曰長壽井曰雞鳴井曰皮袋井三季可煎曰中井曰飛井曰鶉鳩井一季可煎曰楠木井僅供一戶之汲皆用炭煎出附近黃金道過路灘等廠邑各鄉皆有茶而以江口鎮虎溪所產爲佳明代徵茶課銀四十三兩八錢二分

國朝設茶商衛作賢額行腹引一百四十五張照票三十張採配縣屬茶舫運重慶潼川二府行銷道光初年作賢與成都茶商趙萬春爭岸構訟鹽憲斷令彭商止准在重潼二府附角地方售賣嗣後作賢貲本虧折人亡產絕縣令招募無人

承頂道光三十年制憲撤去茶引四十五張照票二十張改配別岸尚存引一百張照票十張由縣按年措款完稅
本年脩志經鹽房抄出現在鹽茶稅羨章程三條

一郁廠鹽井十四眼徵課銀四百五十六兩九錢四分四釐課餘銀一百兩零五錢二分八釐

一縣屬額行犍郁二廠共水引五十張陸引四千五百三十三張合徵稅銀一千四百零五兩三分九釐二毫羨截銀九百三十一兩二分四釐八毫

一改行茶腹引一百張徵課稅銀三十七兩五錢羨截銀二十一兩八錢照票十張徵票息銀十兩零八錢

雜稅

明代有裁省鹽課司官地一坊課銀七錢無祀壇並官山地課銀五錢竈民田糧銀一百零八兩魚課銀三錢三分三釐遇閏增銀二分七釐七毫零魚油翎鰓銀一兩八錢六絲三忽商稅銀六兩九錢四分遇閏增銀六錢九釐帶徵黔江千戶所坐落本縣芦山屯田十四分載糧八十六石六斗四升先年歸併有司徵收萬曆四十七年奉文撥該所自行收討國朝雜稅每年應解布政司廣濟庫魚課銀一兩三錢六分五釐牙行銀一兩施粥銀二十五兩每兩加部書飯食銀一錢

彭水縣志

卷二 食貨

雜稅

十二

二分田房稅契銀三百四十八兩四錢二分係同治十三年解數過此每年加銀一錢二分

學校志

先師有言富加以教蜀自文翁始興學校爰及邊邑莫不率從家絃戶誦於樂辟雍志學校

學制

彭邑自裁撤教諭後止設訓導一員司訓迪生員激揚風化等事明倫堂設立卧碑敬鐫順治九年

欽頒訓飭士子文

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

彭水縣志

卷二 學校

學制

十三

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書紀所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事往往自殺其身常宜思省

一生員不可干求官長交接勢要希圖進身若果心善德全上天知之必加以福

一生員當愛身忍性凡有司衙門不可輕入卽有切己之事止許家人代告不許干預他人詞訟他人亦不許牽連生員作証一爲學當尊敬先生若講說皆須誠心聽受如有未明從容再問母妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文

彭水縣志

卷二

學校

學制

十四

字不許妄行刊刻違者聽提調官治罪

聖祖仁皇帝訓飭士子文

國家建立學校原以興行教化作育人才典至渥也朕臨御以來隆重師儒加意庠序近復慎簡學使釐剔弊端務期風教脩明賢才蔚起庶幾棫樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文藝學術事功原委有序爾諸生幼聞庭訓長列宮牆朝夕誦讀甯無講究必也躬修實踐砥礪廉隅敦孝

順以事親秉忠貞以立志窮經考義勿雜荒誕之談取友親師
悉化驕盈之氣文章歸於醇正毋事浮華軌度式於規繩最防
蕩軼子衿佻達自昔所譏苟行止有虧雖讀書何益若夫宅心
弗淑行止多愆或蜚語流言挾制官長或隱糧包訟出入公門
或唆掇奸猾欺孤凌弱或招呼朋類結社要盟乃如之人名教
不容鄉黨弗齒縱逃禡撲濫竊章縫返之於衷能無愧乎況夫
鄉會科名乃掄才大典關係尤鉅士子果有真才實學何患困
不逢年顧乃標榜虛名暗通聲氣夤緣詭遇罔顧身家又或改
竄鄉貫希圖進取囂凌騰沸罔利營私種種弊情深可痛恨且

士子出身之始尤貴以正若茲厥初拜獻便已作奸犯科則異
時敗檢踰閑何所不至又安望其秉公持正爲國家宣猷樹績
膺後先疏附之選哉朕用嘉惠爾等故不禁反復惓惓茲訓言
頒到爾等務共體朕心恪遵明訓一切痛加改省爭自濯磨積
行勤學以圖上進三年登造束帛弓旌不特爾身有榮卽爾祖
父亦增光寵矣逢時得志寧俟他求哉若乃視爲具文玩愒弗
儆毀方躍冶暴棄自甘則是爾等冥頑無知終不能率教也旣
負栽培又干咎戾王章具在朕亦不能爲爾等寬矣自茲以往
而國學外而直省鄉校凡學臣師長皆有司鐸之責者宜傳

集諸生多方董勸以副朕懷否則職業弗脩咎亦難追勿謂朕言不預也爾多士尚敬聽之哉

儒學書籍謹遵定制尊藏

欽頒御纂經籍正史各書准士子傳抄誦習其非聖之書一家之說學宮不立並嚴禁坊賈刊刻流傳

邑內忠義孝友節孝貞烈諸人由儒學官與紳士隨時留心採訪實蹟牒請知縣申詳 上憲題請

旌表以顯揚潛德式範彝倫

每年春秋釋奠 聖廟儒學官倡率諸生演習禮樂儀注

彭水縣志

卷二

學校

學制

十六

每年儒學官按季考課本縣學中生員以防荒廢學業
每月朔望儒學官宣講

聖諭兼講大清律例俾邑內秀良愚魯諸人一體欽凜 國憲

凡縣官蒞任首謁 聖廟卽詣明倫堂與儒學官召集諸

生掣籤講書畢縣官重申訓辭給紙筆獎值講者

凡學使按臨儒學官督同廩生認識嚴禁鎗替諸弊俟學使考定後縣官帶新生謁 聖廟詣明倫堂見學官讀卧碑

每科賓興儒學官將應科諸生姓名送縣縣官具柬招集設宴鼓樂具花紅與諸生簪挂酒數行諸生興辭鼓樂導出

學額

國初生員無定額順治十二年額取大學四十人中學二十五人小學十五人十六年更定爲大學十五人中學十二人小學八人

邑本小學額取文生歲科兩試各八名武生歲試八名

增廣生員二十名以歲科試次等者拔補

廩膳生員二十名以歲科試優等者拔補

貢生二年一貢以廩生資深者充歲貢遇

恩以正貢作 恩貢次貢作歲貢

彭水縣志

卷二 學校

學額

十七

拔貢自乾隆以後定爲十二年拔一名每拔必當逢酉之年以廩生優等者另試擬拔

廣額凡遇

恩文武學額各廣三名邑自道光三十年庚戌廣三名咸豐九年己未廣三名同治四年補壬戌試廣三名皆係 恩廣

又咸豐二年新例每津貼銀二千兩廣文武學額各一名邑

自咸豐六年丙辰廣三名同治四年補壬戌試廣二名本年

乙丑廣二名七年戊辰廣一名十年辛未廣三名皆係津貼

廣

書院

摩雲書院

舊本在縣城南康熙五十七年知縣朱潘創建置地爲延師課讀之費以與摩圍雲頂峯對故名摩雲乾隆四十四年署縣溫清培脩五十三年署縣鍾蓮定延師資課章程嘉慶十七年署縣羅德嚴重葺增設膏火二十五年知縣楊于高改遷東山親書摩雲書院額其時陶雲汀宮保澍前赴川東道任過彭後擢山西按察使復過彭值書院落成因題楹聯云化雨無私記往歲踏雪來過曾話春風一席摩雲有志願諸

彭水縣志

卷二 學校

書院

十八

生凌霄直上勿忘燈火三更聯語自然大雅爲後來所不及道光二十三年知縣涂金蘭改名雲上二十四年署縣毛震壽以院舍逼促買院側民房以廣之咸豐八年署縣王鱗飛奉檄誅廖美連後以廖姓產業撥充公費於是以縣署後廖姓新宅改作新雲上書院而以舊書院及廖姓舖房舊宅三項併歸新書院作修培房舍添置器具之用於咸豐十一年始通詳定案事詳蔚文堂志後因院規廢弛無人在院肄業歷年防彭兵勇駐紮其中致門壁窗檻概遭毀壞蔚文堂又力難修理幾成棄地光緒元年署縣莊定域始另行籌款培

脩完固兼置備牀榻椅橙各器用捐廉增加月課膏火優等者加獎篆對畫扇等物城鄉學者始望風雲集復豎楊令于高摩雲書院故匾於門首以還其舊又自題月窟天街摩雲可到韓潮蘇海彭水相參楹聯懸門兩旁事則增新名仍復古規模制度煥然改觀焉

書院束脩向有龍射等鄉學租由縣署徵收歲送山長束脩錢一百二十千文又聘金錢六千文送學折席錢四千文三節節禮錢各四千文其蔚文堂添送束脩一項據定案係撥有寶國聘谷開元等產業茲查蔚文堂賬目惟同治四年曾添送錢二十千文後此因款絀停止

書院監院向係儒學官兼攝每年由縣署收龍射等鄉學租致送監院薪水錢二十三千文

書院看司據定案即用蔚文堂雇役二名兼理每名每月給工食錢式千文

月課向例自三月至十月共八課文生正課六名每名給膏火錢八百文副課四名每名給膏火錢五百文文童正課二名每名給膏火錢八百文副課八名每名給膏火錢五百文鄉試之年自五月將文生正副課全停計每月存錢六千八

百文文童止發副課停正課二名計每月存錢一千六百文
停至十月共扣錢五十千零四百文以二十千爲正案上省
填卷之用以二十千爲遺才起文之用以十千零四百爲學
書上省認識之用

蔚文堂新增古學八課每課共備花紅錢十二千發課多寡
俟官酌定又每課禮房及長隨大班執事諸人皆定有飯食
錢事詳蔚文堂志近因款絀未行

本年縣主籌□新增書院器具共計單牀三十間方棹三十
張乙字雕花椅□六把茶棹八箇獨橙二十四箇板橙一百

彭水縣志

卷二

學校

書院

二十

條交蔚文堂雇來看司彭四收管

漢葭書院

在縣城南門內道光庚戌邑廩生向洪恩文生陳朝祿民張
仁壽等募眾捐建復稟支學使清彥立案據原稟云爲請定
章程永廣作育事緣彭水昔設摩雲書院束脩節禮共錢一
百四十四千按今實止一千每年月課八次生童膏火共錢一
百二十四千俱取給於龍射鄉之學田歸官收納以備支銷
歷今無紊惟館舍基宇狹隘日就傾圮生民等久議改置適
城南譚榮耀之宅出售地較寬敞因稟縣主捐買以作書院

並買街房舖面一所每年佃租以爲看司工食連書畫印紅共去錢九百六十五千其屋損壞過半生民等去年秋鳩工改脩於頭門外脩字庫一座看司房三間添補木料並置床几棹橙什物共用錢一千二百三十串俱經董事向洪猷羅正衛開銷業已落成統計買價修項共去錢二千一百九十五串均係生民等捐辦並未募化第齋堂現已完備束脩膏火亦宜增添始可延請名師廣行作育幸本邑紳民踊躍樂輸共得錢四千餘串就近置買龔基盛等產業生息爲師生經費俟收齊告竣註明姓氏數目稟縣轉詳備核並請議叙

茲值文宗按臨理合稟請批定章程以垂永久並懇選聘鄰封進士孝廉品學兼優者主講至本學廣文本邑明經文理荒疎者毋得濫邀公舉虛糜俸錢庶師道立則善人多學校隆而人才茂云奉學使批云核閱所稟該縣紳民俱能好善樂施更得該原呈等協力贊襄捐輸多金且董事得人遂使新設書院允臻落成足徵該紳民等振興文教作育人才之盛舉所稟稱書院月課獎賞膏火及延請品學兼優之孝廉進士主講各章程允宜如稟辦理餘亦依議惟議叙俟該生等將所差之數募齊稟縣轉詳到日再行核示可也原稟

存

又按同治四年向洪恩自記書院建置畧云舊摩雲書院請託干謁無所不至以作育之地爲市僧之區稍有志節者咸不屑游其門余等惻然者久之爰議別置一院以宏作育因買置譚榮耀舊宅爲漢葭書院添置器具並募城鄉集數千串買龔基盛等業爲脩金之費庚戌落成適值院試特具稟學憲支蒙批云并題苹藻滋培匾額定於辛亥年開館不期張君崇先歿後戶書廖大觀乘此覬覦估索簿據私收佃租庚申大觀父子伏法簿據無稽故未勒石現纂修縣志不

彭水縣志

卷二

學校

書院

二二一

及此早爲之記恐遲久無徵後之人不知漢葭書院何由設將謀館者復生干謁之弊漁利者更啟攘奪之端致同事諸君一片赤心化爲烏有不大可哀乎伏冀成美之君子補其所不足匡其所不逮無瞻徇情面以重師資更添置膏火以助寒畯庶歷久弗替余等亦可免有初鮮終之謂也云據

此則漢葭書院始建之時亦可謂法良意美矣章程附後

每年主講必延聘品端學粹之孝廉進士可爲士林矜式者庶模範克昭薰陶盡善凡現任廣文及本邑明經年力衰邁

學識荒疎者概不延訂

按歷年皆廣文明經輪流主講洪恩亦曾主講席

一山長每年束脩錢一百二十千火食錢二十千聘金錢四千
開館折席錢四千由首士致送外蔚文堂添送之款曾於同
治四年送錢二十千後因款絀停止

一院中器具書案一張炕棹二張大方棹二十張茶棹十二張
漢文椅八把乙字椅十六把板橙四十根兀凳六十四箇大
小鍋共五口大平牀二架小平牀三十六架木櫃二間踏凳
四箇唾盒二箇案板二塊粗凳四根石缸二口俱歸看廝檢
點不准借出如有遺失損壞責成看廝賠還按諸器多遺失
看廝亦未賠還

一置買城南龔基盛龔鎮位龔基厚等田二坵共去錢原未串

彭水縣志

卷二 學校

書院

二三

招陳甯二佃戶每年各名下租錢原未千文共錢一百六十

千文限秋冬繳楚如一年不楚起遷另佃

一看廝房三間招林陞住座經管院中一切器具每年給工食
錢原未千文如房屋器具有應行檢蓋脩理者另給工貲

丹泉書院

在郁山鎮丹泉井側嘉慶二十三年知縣楊于高巡檢朱維
垣與紳民捐建爲講堂五間左廂二間並置有雞冠鄉學地
由縣收租每年送束脩錢二十三千文同治二年知縣張銳
堂籌款置買民居飭本鎮鄉紳主事支承祜廩生蘇永圖蘇

世津文生冉隆棣等增脩右廂二間改豎大門一間並籌錢一百二十千交本鎮舖戶生息月收二千以爲主講月費三年經首事等於院內開池名以洗墨池上爲橋左右環以走廊十年巡檢胡林與主事支承祜廩生蘇永圖文生冉隆棣等增脩下廳五間以爲考課之所額曰萬卷堂並有雲貴總督勞崇光題院額曰文瀾挹秀題楹聯曰青燈黃卷結習難忘到此地暫停使節蔬圃墨池流風未遠願諸生勉紹前脩又川東道錫珮題楹聯曰從渝州按部而來喜聞巖邑絃歌真不愧祠列三賢堂開萬卷是山谷讀書所在守得墨池楷

範又何難詩雄四海文冠一時復增脩兩旁學舍較前寬敞爽塏來學者日益加盛焉十三年學使張之洞題楹聯集宋句云文章已入華嚴谷下筆能爲魯直書又集經云井以辨義泉流既清其月課係巡檢胡林募鳳山鄉紳糧共捐錢壹千二百餘串數有不足捐廉成之置買地業每年收租以爲月課之費小試之年停課不考將所存之項作本鄉中鄉會試賓興之費計其款項曾不及縣城十分之一而實心實政有志竟成兼紳董得人和衷共濟故行之歷年綽有餘裕未聞款項虧短支絀難行之說光緒元年五月復永定丹泉書

院月課賓興章程如左

一買高明秀賣出本街汛署旁舖面房屋地基五間每年收佃錢四十八千文又老當射林鄉白石寺田土壹業每年收租穀十石包穀八石市斗過括

一每年九課自二月起十月止每課定獎十四名共錢六千二百文每人給點心錢四十文送閱卷折席錢二千文統由首事按課備錢繳官分給外課卷均用廣毛邊紙刷印每本定價錢二十四文由考課文童於赴房報名時自給

一賓興係鳳山鄉所捐止准鳳山一鄉文武生監均分其錢由

首事算明數目先期易銀繳官懸牌曉諭再擇士子中公正殷實一二人本須赴省鄉試者送給幫費銀二兩交賓興全項令其承領帶省按照名數均分不准預支私用闈畢後將所分姓名數目開單繳官備查不到省者不准分給

一每年收租時首事稟官派差協催收畢後仍歸首事經管穀石照市變價外人不得私收每年月課所有贏餘均須登記印簿送官查對如佃租不清或私收等弊稟官追究換佃起遷

一舉人會試暨拔貢朝考每名助京費錢二十千文亦惟鳳山

一鄉有獲雋者方能資助

一書院齋長一名每年由首事於肄業中擇謹慎一人以作齋長每年助膏火錢二千文臘底領取凡有進出賬口由齋長登記如有佃租不清亦由齋長稟明查究

一現在書院佃錢租穀由老首事冉萼樓蘇肖巖經理以後首事中有辭退者由該首事自舉在庠公正殷實一人經管一首事經管佃錢租穀凡有蓄積責成首事自尋殷實可靠之家存放如有虧短由經管錢穀之人賠出

江華書院

彭水縣志

卷二 學校

書院

二六

在江口鎮舊有每年束脩錢二十千係本鎮東嶽廟欸項由縣署關聘庠士主講其束脩亦由縣署致送漸至權在吏書恒有鑽營請託之弊同治十三年署縣莊定域將該鎮文武廟差租撥作各項公款於內撥出錢四十六千文作每年添送書院主講束脩由首事按節致送但所延主講一不得由縣署延訂以防鑽營一不得由紳士公舉以防請託惟視每考學使按臨所取本邑超等生員中酌擇品學兼優年力未衰者由縣關聘務到書院訓課終年不得徒擁虛名或有事不能赴院則所添之項不必致送仍歸二廟作培脩之費

義學

觀善義學

每十年束
館在錢本城二

琢玉義學

每十年束
館在錢本城二

敦厚義學

每十年束
館在錢舖萬天宮

興仁義學

每十年束
館在錢足場二十

康熙間陶令脩志時止載有河北社學一處道光八年知縣

周曦以各地經紀牙行斗秤公項捐建以上各義學每年由

縣署關聘庠士主講

毓賢義學

每十年束
館在錢舖萬天宮
每年延師訓課致送束脩皆

彭水縣志

卷二

學校

義學

二七

十

山首事
自主

考棚

邑舊無考棚縣試卽在縣署亦未置有號橙應試童生於納卷後卽自借棹几扛負而入塞滿堂署臨唱名則各攜坐具互相棖觸旣接卷則紛紛覓坐喧闐不已及放棚又必共負棹几以出否則爲皂役等持去應縣試者咸苦之道光二十一年知縣張翬飛始倡率士民捐建考棚於署後爲官廳一間號舍東西各五間號棹號橙各八十張童生由縣署大堂進規模粗具而以疾卒後知縣涂金蘭復脩頭門一座臨正街樂樓二座儀門三間大堂二堂各三間皆向西向兩廊各

一間添設堂號棹橙各十張規制始備近年因人文日盛應童試者漸次增多往往人浮於號且前偪大街點名時擁擠囂塵竟不能按名給卷同治三年遷脩 聖廟後眾議卽以城南 聖廟舊址改作試院洵屬事半功倍區畫甫定因經費不濟停工其有院試舊附重慶府棚道光元年奉旨於州城設棚時派脩棚銀八千兩係酉秀分認每學使按臨自涪州行臺至火臚舖站費皆酉秀供給惟自木棕河至郁山鎮中間三尖兩宿歸彭水承辦道光八年知縣周曦以此項未有公款必貽閤邑無窮之累爰勸捐殷實集銀三千五

百兩解川東道稟請以每月一分發商生息必待三年將屆院試始由縣備文請領息銀以作培修臺站供應夫馬等費從此學使過境永無擾累後商號繳還本銀奉川東道札飭本縣領回生息又因軍務挪用道光二十年奉文在藩庫領回銀二千八百兩復被戶書廖大觀領去一千二百兩生息咸豐八年廖父子伏法將產業作蔚文堂所有舊領考棚本利悉由蔚文堂繳還又因咸豐十年知縣張尚浴挪用本銀六百餘兩未償前禮書楊蘊川亦虧空二百兩赤貧無償實止存本銀一千九百餘兩由此息銀減少所有承借認息各

糧戶又多假名冒借弊端百出甚有家道非昔者每考追繳息銀頗形拮据若不及時查究將來日朘月削本盡利無誤公非淺加以辦差夫馬站費供給俱倍於昔累前後各任賠用鉅項惟望賢有司及時設法籌款填補無著虧項并追還各糧戶承借不實之銀另發殷實承領生息庶站費永無賠累義舉不至廢弛云所有三尖兩宿站名列左

木棕河尖站

距火爐舖五十里涪彭夫馬於此交卸承接嘉慶初涪州紳首欲以此為宿站楊令于高力持而止

牛戶舖宿站

距木棕河四十里

白溪場尖站

距牛戶舖六十里

保家樓宿站

距白溪場三十里

郁山鎮尖站

距保家樓五十里前至白蠟站交卸

蔚文堂

前邑令王公个山將廖產撥作蔚文堂通詳定案法良意美今雖未能奉行而王公除害興利一番籌畫不容泯沒舊志未將原委詳載致覽志諸君不無遺憾本年重脩縣志蒙署縣事莊公範村將蔚文堂原案發交志局細爲檢閱始悉王公於廖產充公一事有初定之案有改定之案今並臚陳如左

其初定之案係王公升任西陽後於咸豐十年四月初五日將撥定廖產充公細數清單札行彭水並發告示四道飭房書照抄徧貼曉諭者也其案凡八項一曰勘驗招解諸費撥產業價

彭水縣志

卷二 學校

蔚文堂

三十

值錢壹萬貳千貳百零貳千文一曰賓興撥產業價值錢肆千伍百肆拾柒千文一曰添兩書院脩金撥產業價值錢壹千伍百叁拾千文一曰脩理公所撥產業價值錢壹千貳百千文一曰脩學署撥產業價值錢肆百陸拾千文穀拾石一曰脩汛署撥產業價值錢叁百捌拾伍千文一曰還廖姓舊借考棚息銀撥產業價值錢叁千串零貳千文一曰充彭防善後軍餉因婺匪初平防兵未撤籌餉支發撥產業價值錢叁千壹百玖拾壹千文以上八項係咸豐十年由西陽札諭之案

其改定之案係咸豐十年九月本邑蔚文堂首士貢生張裕如

王有驤陳朝祿廩生龔樹勳陳嘉愷蕭瑛文生邵廷楨李清渠支家馴蕭克讓等十人於奉到州札後將廖產逐細查實與札內所載多寡懸殊並有一業兩載重複錯誤者或有廖姓本係霸踞之業自充公後仍被原主佔轉者不能盡符札數兼又查出札外之業值錢壹千柒百肆拾玖千柒百文其中亦有佔轉不計外實業值錢柒百肆拾貳千文通共全業值錢壹萬捌千玖百柒拾叁串文據實稟州經王公通盤核算另行改撥重定章程於咸豐十一年四月始具稟通詳各憲並將裕如等原稟及新章清摺底稿粘發本縣存案其案係據紳董查實各業俱

可按年徵收租穀差錢房租等項因將所入之數另撥作八項公費其廖姓原欠考棚息銀及養濟院息銀一項係將張斌楊張氏二業撥抵其訓導趙亮熙脩署一項係將陳元陳維善二業撥抵其專城汛周殿光脩署一項係將曾萬鍾徐世德田忠和三契撥抵其美連弟婦廖蕭氏養贍一項係將錢如櫨等四契撥抵除此四項與蔚文堂無關外所有卷價賓興月課山長脩金書院培脩等四項皆爲振興文教起見總名爲蔚文堂其撥入蔚文堂之業及支銷各款章程均應詳載於後

一曰卷價因禮兵兩房承辦小試多取卷貲以供貼補而文武

生童較量爭競惟有公給卷價以息爭端定將廖姓承買胡學顯等貳拾伍契共業價錢捌千貳百貳拾肆千柒百文又承當任祗洪等拾壹契共業價錢壹千肆百捌拾陸千文總共計錢玖千柒百壹拾串零柒百文以每年所收租息作文武童生縣州院三考卷價之費其卷價酌定數目文場歲科兩試共需錢伍百零柒千玖百捌拾文武場歲試共需錢貳百捌拾陸千捌百捌拾文總共計需錢柒百玖拾肆千捌百有零凡三年小試之期由經管蔚文堂收支紳董將應用數目算交禮兵二房承領並在各紳董內派一明白幹練之人眼同支發以杜冒濫一

彭水縣志

卷二 學校

蔚文堂

三二

面取禮兵二房收清字據稟縣存案倘房書勒索刁難或紳董從中漁利尅扣一經告發由縣併究示儆其派同支發之紳董除縣試外州院二試准給夫馬房飯錢拾貳千文若係廩增附生本當赴州出保應考乘便幫同經理者止給陸千文此款在定章之時租息未充暫緩一考俟咸豐十五年始爲舉行義卷

按王公定案在咸豐十一年故案內云十五年其實次年卽改元同治則義卷之舉應於同治四年舉行

一曰賓興月課因彭邑向無賓興一款以至習舉業者苦於途長費重每以無力而止且生童於詩賦一道多未講究應酌資路費加課古學以期振作士風定將廖姓承買王金貴等三十

契共業價錢叁千陸百壹拾伍千柒百文又承買劉功誌等房業五契照時作價錢壹千貳百串文又承當胡正廷等四契共業價錢肆百伍拾千文總共計錢伍千貳百陸拾伍串柒百文以每年所收租息作賓興月課之費其賓興無論正科 恩科鄉試文生每名給路費陸千文武生每名給錢叁千文統由在事紳董匯兌上省按名發給卽取具本人領字存據不准在局預支其舊有截提月課錢伍拾陸千文仍作月課花紅無庸再提會試亦無論正科 恩科文舉每名給路費錢陸拾千文武舉每名給路費錢叁拾千文其舊科文武舉人減半支給至留

京留省之舉人生員不得支給其古學每年八課每課備獎賞錢拾貳千文由主課隨時酌定人數多寡課卷優劣以爲獎賞等差總不得過十貳千之數應課生童先期兩日赴房註名其課卷榜紙俱由蔚文堂紳董買備每課另給主課官長隨錢壹千文大班錢伍百文各項執事錢壹千文禮房筆墨辛苦錢壹千文

一曰添送雲上漢葭兩書院山長修金因以前兩院公產無多不能從豐資送定將廖姓承買寶國聘等三契共業價錢壹千捌百捌拾貳千文又承當谷開元等兩契共業價錢貳百千文

總共計錢貳千零捌拾貳串文以每年所收租息作添送兩書院脩金之費每年共備錢肆拾千文於五十兩月分送兩書院山長

一曰培脩雲上書院及添置院內器具因舊日書院窄而且小每有人滿之患若不另移寬廠處所則諸生無肄業之地定將廖姓在縣署後新脩住房一所改作新雲上書院其舊書院照時值作錢叁百千文又廖姓縣署前舖房一所縣署後舊住房一所照時值各作錢陸百千文總計三項共錢壹千伍百串文交蔚文堂首事覓主出售取錢於一月之後即按月一分生息

彭水縣志

卷二 學校

蔚文堂

卅四

所收息錢即作新雲上書院目前培脩日後歲時脩理及添置器具之費倘一時難於出售亦趕緊招佃取租以充書院費用以上四項悉歸蔚文堂經管共撥入業價錢壹萬捌千伍百伍拾捌串四百文每年作四項支銷

蔚文堂四項公費局章程十六條

一蔚文堂公款以咸豐十一年正月初一日爲始設局收支
一在局紳董既經由官派定自應各司各事以專責成不得推委爭執如違由縣并撤示儆

一在局紳董如有妄爭驀管徇情私交致公項因而虧短者除

著落分賠外由縣一併撤究

一在局紳董如有侵蝕挪移浮冒虛糜各情弊一經查實或被告發由縣撤追嚴究

一在局紳董如有不肖之人侵挪浮糜許在事各紳查明稟官嚴究但不得挾嫌誣控自蹈反坐之律

一在局紳董有明知他人侵挪浮糜而徇情容隱者由縣撤委示儆若受賄故縱者一併撤追嚴究

一在局紳董如家有事故或身染疾病不能在局經理者准據實具稟候官另派有人並查無經手未完事件方准辭退如

違由縣查究

一在局紳董每年結賬後准於蔚文堂公費內總共支錢拾貳千文作夫馬飯食之用此外不准再藉薪水等項名目私自挪用如違由縣撤追

一在局紳董選雇妥役二名每名每月各給工食錢貳千文飭令小心看守倘有疎虞惟原雇之紳董是問其新雲上書院並令該役看守不必另雇看司

一蔚文堂收支賬目應由在局紳董預備空白收簿支簿各一本送縣過印發還登記

彭

水

志

震

一蔚文堂收支賬目定於每年十月初一日會算一次
一會算四項公費賬目應由在局紳董會同城鄉紳董在局眼
同結算不准推諉不到如違由縣撤委示儆

一每年算賬一□□在局紳董於公費內支飯食錢拾貳千文
一每年結算四項支銷如有餘剩即查明係何項所餘仍歸本
項生息

一結算四項賬目務將何項共收若干共支若干現存若干逐
一分晰開載印簿送縣過硃發還存執如有遺漏含混由縣
查究

一各項章程有未能備載者隨時稟官酌量增減

右蔚文堂四項產業支銷並章程十六條皆咸豐十一年四
月王公改定後通詳各憲及札行本縣之案也當定案時以
入款較出款自必預留餘步俾經管者游刃有餘決無於創
始之初即款項支絀令人掣肘者也且公產租息於咸豐十
一年即行徵收而同治三年始行賓興四年始行義卷預儲
數年之蓄以待支銷豈猶有入不敷出之患乎况所定案中
微論考棚息銀養濟院息銀及學署汛署諸費係別有產業
撥充不與蔚文堂相涉即蔚文堂應管之四項公費亦分晰

注明每項之下各有應歸產業支銷之後或有贏餘亦於結算時查明仍歸本項誠恐各項彼此挪移牽混或至虧短也閱其章程十六條中所以專責成而妨侵蝕者亦已詳且盡矣而其申詳稟內又於蔚文堂首士十人之中另行聲明張裕如陳朝祿蕭瑛支家馴邵廷楨等五人家道殷實不至因貧侵挪所有收支賬目進出銀錢關係甚大合令裕如等五人專司其事仍由地方官隨時稽查如有從中舞弊或力不勝任者立即撤究另派以示懲儆而昭慎重豈不謂動出萬全俾彭邑士民永沾實惠哉迨閱蔚文堂賬目則自同治四

年即變賣公產作錢四千一百六十串合銀三千二百兩彌補張主尙浴交代虧空五年復變賣公產作錢一千六百零八串合銀一千二百兩解省彌補張主訟費以致止存公產價值錢九千餘串即將四項公款廢其大半止存卷價寶興二款而每年猶須借貸認息仍屬不敷支銷竊謂蔚文堂公款原以振興文教故定案時培脩學署汛署諸費尙另撥款項不在蔚文堂四項之內若彌補虧空雖有委員守提究與蔚文堂無涉也又同治三年禮書蔡體元稟請催行義卷局紳王有驤等稟稱蔚文堂所有周多富楊美椿等業出息無

多其稟現存案內而四年因張主之案所賣數契即此出息無多之業何以遽傷元氣一蹶不振乎且既出息無多即卷價正款尙難舉行何以王有驤陳朝祿李清渠陳嘉愷蕭克讓邵廷楨支家馴等七人□稟請以蔚文堂兼理義渡謂之以公濟公亦與蔚文堂之義不協反使應辦之□□賢益加支絀難行是舍田而芸矣況不旋踵間□□亦立廢乎所不可解者四項公費各有應歸產業今既虧空則每項皆當酌減方昭平允乃歷年來所有培脩書院及山長脩金二項全行停止其賓興月課一項則月課全廢而賓興減其大半

每名僅給銀兩許惟卷價一項費用較定章加倍問其由來則曰胥役勒索之故夫王土定案條規原不許胥役勒索及紳董徇情即四項之中稍有增減亦當裒多益寡以期並行不悖今乃於力能勒索者則分外加倍而不敢辭力不能勒索者則全項廢滅而不之顧然則大士之低眉誠不若金剛之努目歟去年甲戌小試據蔚文堂賬目實借貸錢壹千叁百叁拾貳千文周年分半行息公款日蹙勢不可支經首士貢生蕭瑛將虧空實數報銷縣案並云 莊主見蔚文堂款項支絀已將書院及義渡□出另行籌款將來募捐義渡必

有盈餘自可彌補蔚文堂公欸 莊主因 聖廟 武廟義

渡各項皆未完竣公事繁冗勢難兼顧諭令志局暫將王主

定案先行刊刻俾各鄉士民知餼羊猶存尚可徐圖脩復至

新定章程俟將來酌定後續行刊布可也

按蔚文堂全案據廩生彭志倉云尚有姜主鳳儀之所有
 卷內未見恐有抽換遺失之處本年脩志提出卷宗所有
 者係咸豐十年王公道初定蔚文堂案來軍餉一道產業
 章程一道告示稿一公道又有將廖產充軍餉一戶書稟稿一
 套外又咸豐十年本邑清摺一查實廖產地稟帖一道王公改
 定札一道又豐另有廖清摺一查實廖產地稟帖一道王公改
 注在內一本廖蕭氏口大憲一紅張同治三年扣蔚文堂四項公
 費章程一內王廖蕭氏口大憲一紅張同治三年扣蔚文堂四項公
 息無帖一張禮房催局十稟帖一卷價又稟局士一稟楊口主借銀以六
 兼張裕如未囿稟帖一卷張又稟局士一稟楊口主借銀以六

彭水縣志

卷二 學校

蔚文堂

卅九

百兩未還稟帖二張楊美又盛治稟帖一連張楊有姪少爺等稟
 帖二張又還局士查二楊美又盛治稟帖一連張楊有姪少爺等稟
 邑文生陳正珽等稟楊學憲以文生每名扣銀三十稟帖一
 稟內竊名甚多且妄稱定案係文生每名扣銀三十稟帖一
 每名銀十五兩兩言過其與蔚文堂舊案不符徒自見其仍
 罔耳以銀上各欸係本所見蔚文堂舊案不符徒自見其仍
 有抽換遺失致與右志
 書不抽符故細載於右志

武備志

允文允武足食足兵三軍奪帥眾志成城矧此要區毗連黔楚詰爾戎兵外侮是禦志武備

營制

漢取涪陵人爲赤甲軍

華陽國志

蜀漢以涪陵勁卒三千人爲連弩士

唐武德四年置黔州都督府十一年罷先天元年復開元二十年改乾元中又復光啟三年置武泰軍

前蜀置黔中武泰軍留後

十國藩鎮表

彭水縣志

卷二

武備

營制

四十

宋宣和四年詔茂州石泉軍舊管子弟番土守把不諳騎射選黔兵五十人任教習

元大德七年置紹慶南平沿邊宣慰司管軍萬戶佩虎符

國朝康熙元年始設黔彭營控制楚蜀土司防口黔江彭水武

隆三縣四汛

游擊一員千總一員把總二員駐防黔江

守備一員把總二員駐防郁山鎮

千總一員駐防彭水兼汛武隆

額設馬步戰守兵共一千名

七年奉議政王會議四川通省裁兵一萬名黔彭營去二百名二十二年奉文裁步戰守兵二十一名二十三年奉文裁步戰守兵二百七十九名本營游守官捐補營馬十五匹雍正十三年酉陽司改土歸流川督黃廷桂奏請改設營制言重慶鎮屬黔彭一營額設武弁八員兵五百名原爲控扼酉陽五土司而設今既改歸皆成內地設營只有兩縣一汛官兵無庸過多應請抽游擊一員守備一員千總一員把總二員兵二百名移駐新營所存黔彭營千總一員把總二員兵三百名應請另設都司一員管轄分防聯絡奉

旨依議嘉慶二年綏甯改營爲協議准黔彭一營逼近綏甯改歸綏甯協管轄仍歸重慶鎮屬

都司一員 千總一員 外委三員駐防黔江

彭水縣城分防千總一員改爲把總帶領馬步戰守兵五十五名乾隆四十五年奉文裁撥十名存防汛四十五名四十七年奉文添補新兵二十八名復經裁撥存四十六名後復裁撤現止戰兵十三名守兵二十六名共額兵三十九名

郁山鎮分防守備一員把總二員守備撥歸酉陽把總改留一員帶領馬步戰守兵五十八名與縣汛同時裁撥十五名

存防汛四十三名同時添新兵十八名亦經裁撥存五十名
後陸續裁撤現存四十一名

江口鎮汛外委一員乾隆四十五年自黔彭營分撥設汛外
撥縣兵五名

舖塘

舖塘十二名見驛舖每舖設舖司兵二名嘉慶間裁三江口南望山二舖今止十舖共舖司兵二十名隸額設縣役數內

水塘二

黃草塘

江口塘

乾隆四十五年改汛

隘塘十

黑門堡

縣東

李家營

縣東

黃家壩

縣西

洋水壩

縣南

乾溪

縣西

三壩河

縣北

彭水縣志

卷二

武備

舖塘

四三

上堡

縣西南

國

祥

縣西南

李梓均

縣西南

沙子溪

縣東北

以上各塘均廢現在本城郁山二汛所轄舖塘列左

彭水汛塘皆在涪州界計六塘

涪州底塘

涼水舖塘

麻溪塘

燈盞舖塘

木根舖塘

鑽天舖塘

交郁山汛果舖塘

郁山汛屬十一塘四塘在涪州界七塘在彭水界

白果舖塘

火爐舖塘

沙台舖塘

木棕河塘

交彭水界

牛戶舖塘

趙家壩塘

黃蠟池塘

南望山塘

三江口塘

清水溪塘

郁山鎮塘

交黔江汛
亭子關塘

外彭水至郁山塘路乾溪橋塘屬彭水汛保家樓塘屬郁山汛通計二汛共十九塘每塘相距三十里各設塘兵二名每名照例置備夾板一副鈴攀一副纓槍一條油絹三尺軟絹包袱一條箬帽雨衣一副紅悶棒一條回歷一本

團練

團練之法本於周禮鄉遂之兵歷代參用之至隋始有團之名至宋而其法大備或設鄉兵民兵土兵義兵等制皆聽州縣守令節制三時務農一時講武此今世團練之所昉也明末獻賊寇蜀府縣十下其九遺民於逃亡之餘計無復之轉相團結依山據砦聲勢聯絡互相救援餘賊不敢復逼昇平既久武備漸弛嘉慶初年白蓮匪起川民塗炭經當事者飭其結砦練團賊去則耕賊來則擊漸且敢於迎擊或遏其過道或截其尾隊賊遂野無所掠日困饑以至滅亡團練之益

大矣哉四十年間內甯外謐時或小醜竊發大師行討立見蕩平縉紳之士因之口不談兵不惟羞與噲等伍且恥與兵子共語也咸豐初年粵逆竄擾數省中原多事蜀中晏然而制兵三萬四千餘奉調者幾及萬數大憲以爲兵單則守弱嚴飭各府州縣練習鄉團自扞牧圉彭邑雖僻在邊陲而控楚連黔爲全省東南門戶自應實力舉行前經賢有司聯保甲以整鄉團彭民亦共敦守望但整而未練步武未嫻泊咸豐八年邑令王鱗飛奉憲檄以粵逆猖獗滇匪侵川亟應整飭鄉團以備不虞於是嚴條約辨利弊置器械親簡閱以習

韜鈴重賞罰以昭勸勵并設城防練勇若干名捐給口糧時加訓練適黔逆王代周賀濟泮倡亂侵擾縣治之波惹龍洋兩鄉憲檄文武官弁督兵攻勦奈該逆分據洞戶俱極險峻而進攻各巢之道路又極崎嶇促狹官兵道里生疏畏葸却步間相攻擊輒被誘害王令追調附近各團助勦龍洋巖西兩鄉團丁尤奮勇卽城防練勇亦調遣殆盡團首如冉永發樂天相冉永亮庾應泰陳紹元任星漢俱卓著勞績因扼於當事獲保舉者寥寥甚可慨也迄辛酉髮逆兩次竄彭而當賊來路之鹿鳴龍射清水大河長灘及癸亥髮逆餘黨由婺

川王家沱渡河取徑縣屬梅梓各鄉倖保無虞者團練實與有力焉團首廩生黃天保武生冉時杰黃石秀文生冉儒璋帶團防堵馬頸子濫溝子一帶武生廖大元防堵望中堞禦賊入城來路貢生蕭瑛文生李清渠帶勇防堵甘棠鄉之樂地壩禦賊回竄縣界要隘均資屏障團練之益固如此彰著也向非王公預爲整練將黔逆眉睫之禍全倚諸樂禍貪功之官兵勢必凶焰燎原更難撲滅糜朝廷之餉延生民之毒其害詎有已乎繼至髮逆竄彭亦必望風逃遁堵禦全無恐受害者不止一郁山鎮也方今幸際隆平而憂盛危明思患

預防之計是所望於有司附錄王公示諭六條於左

一團練多不易辦者何也富民怕出錢貧民怕出力游民怕不便爲非此其大較也更有無知富民曰我尚有地方可避無知貧民曰我本無身家可戀其畏難者則又謂離賊尚遠生姑待心其取巧者則又謂人且眾多存推諉心官長若督率稍嚴便怨爲騷擾百姓團首若督率稍急便謗爲討好上官此其所由不易辦也

一辦團練多不易成者何也團首不得其人應出丁而已不肯出應捐貲而已不肯捐甚且藉端勒索遂已私則團民

有所怨懟漸漸不聽呼喚收受賄賂包庇徇情則團民有所挾制事事未便深求則弊在不公更有一種團首鋪張揚厲徒事粉飾耳目官來則耀武揚威大有聲勢官去則偃旗息鼓寂無人踪竟以此事爲官之事非民之事而民亦樂其能不多事共相安於無事則弊在不實此其所由不易成也

一當今時勢團練又萬不能不辦者何也前則兵多餉足盜賊又少又遠今則到處有賊到處防勦兵不敷分布餉不能接濟矣况本境與賊逼近隘口又多卽幸而在防兵勇勦辦難遽蕩平更恐乘間闖入是前之辦團練不過作思患預防

之計而今之團練直不啻死裏逃生之方也且團練以本境百姓保守本境無事則散之在近自食其食不糜餉需有事則呼之卽至能急其急不待征調何等簡省何等便捷如何可不辦

一辦團尤必須練丁者何也百姓久享昇平素未見過陣仗設一旦賊鋒驟至見勢兇猛旣無技藝又無紀律必至心驚膽裂手足無措惟有跑者跑死者死耳若平日練過有技藝有紀律卽有膽氣我不怕賊賊將怕我如何可不練

一練丁斷不可招外人者何也蓋旣係外人不能久住賊去必撤且旣係外人毫無顧盼賊來必潰甚至賊將來則估加口糧賊已來則暗爲嚮道共受害有不可勝言者而奸細混入尤屬在在可慮若練丁皆是本境土人明知田園廬墓妻室兒女皆在此間不可輕去如何可招外人

一團丁無人不可練者何也古者澤宮以射選士又曰有文事必有武備何嘗有讀書人不可習武如果見爲不屑爲儒冠儒服較之短衣窄袖自然彬雅可觀但身無縛雞之力一落賊手長跪乞哀其辱更當何如若富家子弟愛如珍寶原不忍勞其筋骨然與其爲賊所擄所殺何如練些技藝卽不

能保人尚可以保身至於貧者現在秋穫已畢正是農隙講武之候此候但按期會操便已終身受用不盡如何有不可練

同治八年邑令姜由範以縣治幅幘遼濶鄉團雖經舉辦而漫無統束呼應不靈或一鄉數甲每甲各成一團畛域各分猜嫌易啟別團或有非常視同楚越至此鄉與彼鄉之疏絕更可知也因飭各鄉各舉公正殷實一二人爲團總附以團首數人團總由縣給戳記一顆除民間一切詞訟不准干預外其餘團內公事准其隨時蓋戳具稟以專責成如有調遣

札知團總轉派團首層層節制團內遇有事故團總傳集團首一呼卽至風雨無阻不得托故推避并宜和衷辦理不可各執己見如團首及甲首牌長團丁等重違約束准該團總具稟究懲或另舉接當如團總辦理不公亦許團首稟究卽隣近各團亦宜共敦和好遇事互相策應不可視同隔膜致生事端至團內所須鎗刀器械葯鉛旗幟等件由該團總商同團首按團公派捐置尤宜以身先倡不可慳吝及袒庇所親浮派侵漁致滋疑謗離心解體并編聯保甲由縣散給門牌以免漏遺似此四境同心萬夫一體事權有屬指臂可驅

又何寇盜之足虞乎

右姜公團約計十三條皆切要可存惜札諭過長不能備載茲節錄大概與前王公示諭各條參觀皆因時制宜詳審周密況團練關係地方武備非可以太平弛乃事故并紀之以待後之摘取而變通焉亦未始非先事之程大豈紙上空談哉

祠廟志

成民之後致力於神民和神福報賽明禋奕奕巒宮 國
有典祀徧於羣神以洽百禮志祠廟

聖廟

明代以前未詳洪武初創建河西壺頭山下永樂間遷縣城南門外萬曆間知縣黃承瓚訓導潘一華遷於桂嶺之山麓湮於水後復遷於城北文明街毀於火知縣施恩典教諭傅承詔以地基狹隘民居錯雜卜遷於郁江北岸之獨秀峯下至天啟七年知縣姚維競始竣其事蓋卽黃令遷脩之桂嶺

彭水縣志

卷二

祠廟

聖廟

五一

而升扞其故址也後以隔江往來諸多未便再遷北門外明末遭土寇亂傾圮入 國朝順治年間僅存瓦礫康熙三年知縣尹嚴維署訓導牟偉琮卜吉縣治之東山捐貲修建監生董文炷捐脩明倫堂規制粗具十二年吳逆叛彭地陷復頽廢二十二年知縣吳成龍奉檄重修至明年知縣朱爾捷命生員龔子傑督其事遷明倫堂於 大成殿左啟聖宮於大成殿後未久復毀五十年知縣陶文彬因於 大成殿前築石臺脩造兩廡臺下建櫺星門左名宦左鄉賢臺右仍脩明倫堂雍正十年知縣謝宜相教諭李開言訓導李文晟以

邑人蔣宏輝捐脩門墻復率紳民重修乾隆五十三年知縣鍾蓮重脩四配十二哲神牌萬仞宮牆四字皆親筆敬書嘉慶十九年知縣曹應穀訓導周枝魯因東山廟基不堅地勢逼促卜遷於南門外綠陰軒之左二十四年署縣事張鵬雲始竣其事道光二年知縣楊于高增脩同治二年知縣張銳堂訓導吳澤棠遷修於河北舊址規模粗具旋因經費不濟停工十三年知縣莊定域訓導董本巡檢胡林典史孫嘉輝率主事支承祜舉人李銘熙貢生蕭瑛廩生龔基亨等募衆捐貲續修 大成殿高三丈六尺廣五丈六尺正祀

彭水縣志

卷二

祠廟

聖廟

五二

至聖先師牌位學使張之洞敬書殿上敬豎康熙二十二年

御書萬世師表雍正四年

御書生民未有乾隆三年

御書與天地參嘉慶五年

御書聖集大成道光二年

御書聖協時中咸豐二年

御書德齊幃載同治二年

御書聖神天縱諸匾額龕上敬豎

御製氣備四時與天地日月鬼神合其德教垂萬世繼堯舜禹湯

文武作之師楹聯旁列四配十二哲牌位 崇聖祠及東西兩廡戟門皆仍舊門外新建名宦鄉賢忠義節孝四祠前建石臺豎櫺星門石柱高一丈七尺五寸兩旁建聖域賢關門下爲泮池橫廣八丈縱廣五丈六尺池外爲宮牆高二丈三尺廣十丈通計自崇聖祠至宮牆長三十二丈四圍繚以高塘殿材皆巨木督工迅速人皆用命凡期年而事竣規模宏敞煥然一新較前倍臻完善焉

聖廟位次 年謹遵同治二年部頒次序

至聖先師神位居中正南面

彭水縣志

卷二 祠廟 聖廟

五三

東配 顏子 子思子

西配 曾子 孟子

東哲 閔子騫 冉子夏 有子端木子貢 仲子路 冉子仲弓 端木子貢 仲子路

西哲 冉伯孫 宰子我 冉子亭 有言子游

東廡 先賢公孫 伯虔 冉季 漆原 雕徒 南宮 漆商 瞿公 雕西 赤開 任司 馬耕 梁

良孺 公肩 定 鄒單 罕 父 黑 榮 旂 左 人 郢 鄭 國 原 元 廉 潔 叔 仲 會 公 西 興 如 邾 異 陳 元 琴 張 步 叔 乘 秦 非 顏 噲 顏 何 縣

宣牧 皮樂 正 克 萬 章 周 敦 頤 程 顥 邵 雍 四 十 人 先 儒 公 羊 高 伏 勝 毛 亨 孔 安 國 后 蒼 鄭 康 成 邵 甯 陸 十 贄 范 仲 淹 歐

陽修 司馬 光 謝 良 佐 羅 從 彥 李 綱 張 枋 陸 九 淵 陳 淳 真 德 秀 何 基 文 天 祥 趙 復 金 履 祥 陳 澹 方 孝 孺 薛 瑄 胡 居 仁 羅

欽 順 呂 相 劉 宗 周 孫 奇 逢 陸 隴 人 張 履 祥 三 十 二 人

西廡先賢 蘧瑗 澹臺滅明 宓公 不齊 龍公 冶長 公皙 哀高 駟柴 石樊 作須
商澤 巫馬 施顏 辛曹 卹公 孫龍 秦商 顏高 壤駟 赤石
蜀公 夏首 后處 奚容 藏顏 祖句 之井 僕施 之常 申成 根祖 句明 茲
燕伋 樂欬 狄黑 孔忠 公藏 西藏 顏句 之僕 施之 常申 成根 左邛 邱明
秦冉 公明 儀生 都子 公孫 丑張 子載 春頤 三十九 王九 通人 韓愈 先儒
穀梁 赤高 堂儀 董仲 舒毛 葛亮 王九 通人 韓愈 先儒
王瑗 韓琦 楊時 尹焞 胡安 國李 侗呂 祖謙 黃幹 蔡清 王沈 魏了 翁
坤黃 道周 湯斌 三十
人 共 六 十 九 人

崇聖祠位次

昌聖王伯夏公

裕聖王祈父公

肇聖王木金父公

彭水縣志

卷二

祠廟

聖廟

五四

詒聖王防叔公

啟聖王叔梁公

東配

先賢 顏氏 孔孟 皮氏 伯魚

西配

先賢 曾氏 孟孫 氏

東廡

先儒 周氏 蔡氏 程

西廡

先儒 張氏 朱氏

聖廟禮器樂器彭邑未能備具惟於春秋仲月上丁釋奠

至聖位前陳設祭品遵用帛一牛一羊一豕一籩十尊一爵三

鑪一鐙二祝版一疏布冪勺具各一東西四配位各帛一羊

一豕一籩八尊一爵三鑪一鐙二十二哲位各帛一籩四爵
三東西各羊一豕一尊一鑪一鐙二兩廡二位共一案每案位爵
一每案籩各四東西各羊三豕三尊三統設香案二每案帛一爵
三鑪一鐙二 崇聖祠正位五案每位帛一爵三羊一豕一籩
八尊一鑪一鐙二配位四案帛二各東西豕首二各東西豚肩二
各東西爵六各東西籩八各東西尊一鑪二各東西鐙四各東西兩廡兩
案帛二各東西每位爵一每案籩各四豚肩各一尊各一鑪各
一鐙各二其他鐙銅簋豆諸品俱以陶器代之後有脩復
古制者會典具在茲不具錄

彭水縣志

卷二

祠廟

聖廟

五五

聖廟執事

於本學生員中派用預期示知先令演習其儀度

聖廟儀注

悉遵會典

迎神奏

欽頒樂譜昭平之章

初獻奏

欽頒樂譜宣平之章

亞獻奏

欽頒樂譜秩平之章

終獻奏

欽頒樂譜叙平之章

徹饌奏

欽頒樂譜懿平之章

送神秦

欽頒樂譜德平之章

大成殿祝文

惟屬先師德隆千古正道冠節百樂和之日月辟以常鐘鼓自生恪民薦所未
馨香泮水郊庠益致嚴於籩豆曾子當仲聖祗率彝章肅展微
忱聿將祀典以復聖顏子宗聖曾子述聖子思子亞聖孟子
配尚饗

彭水縣志

卷二 祠廟

聖廟

五六

崇聖祠祝文

惟王奕葉鍾祥光開聖緒盛德之後積久彌昌誠茲屆仲
敷率循源而溯本宜肅明禋典之用伸守土之誠茲屆仲
聿脩祀事配以先賢顏氏尚饗

名宦祠

在戟門外左側
光緒元年新建

中祀

宋黔南節度使李約

元知紹慶府王師能

紹慶府總管向午鳳

明知縣聶元濟

知縣周中規

教諭陳達

國朝知縣尹嚴維

知縣胡向極

知縣朱爾捷

知縣陶文彬以上詳政績

祝文

卓哉羣公懋脩厥職澤被生民功垂社稷茲維仲秋懋謹以牲醴用申常祭尚饗

鄉賢祠

在戟門外右側

中祀

漢孝廉柳敏

宋進士文渙

進士馮章

進士項息

明舉人周禮

貢生顏之學

貢生孟獻

貢生何時傑以上詳賢達

祝文

於茲維羣公孕秀茲邦懿德卓行更世流芳茲維仲秋春謹以牲醴用申常祭尚饗

彭水縣志

卷二 祠廟

名官鄉賢

五七

忠義祠

在名宦祠下光緒元年新建

中祀

明呂孝子

監生戴北辰

貢生董文煊三人詳

監生張梅

貢生向應騰二人詳

國朝冷應詔

陳我堯二人詳

郁山汛把總鄧璉

軍功鄧玉陞二人詳

祝文

惟靈秉賦貞純躬行篤實忠誠發貫金石而不渝義問宣昭表鄉閭而共式祇事懋彝倫之

摯莪蒿克恭念天顯之親情殷棣萼模咸推夫懿德

筵尚饗

節孝祠在鄉賢祠下光緒元年新建 中祀節孝貞烈諸人皆詳列女

祝文惟靈純心皎潔令德柔嘉矢志完貞全閨中之亮節竭誠致敬彰闕內之芳型茹冰檠而彌堅清操

自勵奉盤匝而靡懈篤孝傳徽式薦尊醪尙饗 恩祠宇昭垂於令典茲循歲祀式薦尊醪尙饗 殊

以上四祠俱附 聖廟春秋仲月上丁官具牲醴致祭

武廟

在縣城南門外城隍祠左康熙十八年知縣萬青選創建未幾傾圮四十五年知縣陶文彬重脩嘉慶元年知縣梁敦懷重建三年知縣莊承簪竣事爲 正殿三間抱廳三楹崇聖祠三間樂樓一座後年久朽蠹光緒元年知縣莊定域折去

彭水縣志

卷二 祠廟

忠義節孝

五八

舊材另移 聖廟所餘新材重建 正殿事省而功倍並

遵新制不用樂樓 殿上正祀

忠義神武靈佑仁勇威顯護國保民精誠綏靖關聖大帝神位並敬豎咸豐八年

御製萬世人極匾額舊有河北廟租爲每年焚獻之用其春秋仲

月諏吉致祭五月十三告祭遵用帛一牛一羊一豕一鑪一

鐙二爵三饌品三其餘祭器未能備具

迎神奏格平之章 初獻奏翊平之章

亞獻奏恢平之章 終獻奏靖平之章

徹饌奏彝平之章

送神奏康平首章

望燎奏康平次章

祝文

惟九州完大節以篤忠貞名高三扶正統而彰信威震

於寰區靈應丕昭薦馨香於歷代几屢徵異蹟顯佑羣生恭值嘉辰遵行祀典筵陳籩豆几屢徵異蹟顯佑羣

五月十三日告祭祝文

惟降神九聖之靈辰日儀合撰中屆

恢台之令序聰明正直之壹者也循懋典式展明之隆盛德大業至矣哉六幕肅馨香之薦爰循懋典式展明之裡苾芬時

陳精誠鑒格尙饗

崇聖祠祀

聖曾祖光昭王

彭水縣志

卷二

祠廟

武廟

五九

聖祖裕昌王

聖父成忠王

祝文

惟誠溯淵源宜切尊崇之報班爵超躬桓而上升香之

肅俎豆之陳茲際仲芬秋春爰脩祀事尙祈昭鑒式此苾芬尙饗祀

五月十三日告祭祝文

惟降識王毓聖之承家累仁昌後崧生

推恩之及遠封爵特超於五等馨香永薦於千秋際仲夏之屆時命禮官以將事惟祈昭格鑒此精虔尙饗仲

文廟

陶令舊志謂原建城南山岡康熙五十年移建東山學宮之

左並建魁星閣後嘉慶六年升入正祀祭品儀注悉同

武廟七年知縣方懷萱始移建山麓縣署之左爲 正殿三
間抱廳三楹崇聖祠三間左右耳房各一間前燎朱垣後增
石砌直接 聖廟舊址 正殿恭祀

文昌帝君神位廟內舊有邑庠曾志聖妻羅氏施入田土一分
復買上塘口向士誠田土一分草生壩龔姓田土一分又退
轉彭昌祥當價錢共典買本城上下街店房六所每歲總收
租穀五石房租錢六十餘千爲焚獻之用其春秋仲月諏吉
致祭二月初三日告祭祭品儀注與 武廟同

迎神奏不平之章 初獻奏俶平之章

彭水縣志

卷二 祠廟

文廟

六十

亞獻奏煥平之章 終獻奏煜平之章

徹饌奏懿平之章 送神奏蔚平首章

望燎奏蔚平次章

祝文

惟神道闡苞符性敦孝友並行並育德侔天地以
同流乃聖乃神教炳日星而大顯仰鑒觀之有赫

亦明德之惟馨茲當仲春
時享惟祈歆格克鑒精虔
尚饗

二月初三日告祭祝文

惟神之靈辰三台紀瑞慶中坤之溯誕
降之靈辰三台紀瑞慶中坤之溯誕

節九字承暉若日月之有光明闡大文於孝友如天地無
不覆載感郵治於馨香爰舉上儀敬陳芳薦精禋罔斃

神鑒式昭
尚饗

崇聖祠祀

文呂帝君先代神位

祝文

祭引先河之義禮崇返本之思矧夫世德彌光文之斯及祥鍾累代炯列宿之精靈化被千秋偉人文之

肅將時祀用申告潔神其格歆尙饗

春秋

二月初三日告祭祝文

惟本文昌帝君道備中和神有基

雲漢昭回際嶽降崧生之會馨香感格興水源本之思式肇明禋用光彝典尙祈神鑒享此清芬尙饗

郁山鎮 文 武二廟辛酉髮匪之亂俱遭焚毀同治四年

拔貢支葆恬支承祐文生冉隆棣等重建 文廟五年拔貢

支葆恬文生冉隆棣首事支承宗李文美等重建 武廟春

秋仲月及 聖誕中祀俱由本鎮巡司主祭後并舊有 文

彭水縣志

卷二

祠廟

文廟

六一

昌聖像附祀於川主廟同治癸酉廩生蘇永圖募眾建廟於

川王廟側春秋仲月由首士致祭

江口鎮 文廟道光間舉人邵美璠與楊乾等捐建 武廟

亦由美璠與孫玉烈等捐建春秋仲月及中祀俱由縣署頒

發文帛至鎮紳士虔具牲醴其祝文仍用縣官名主祭

奎星閣

舊在東山 聖廟左嘉慶二十年知縣李大經移建城南

綠陰軒右道光七年土民捐貲培脩郁山鎮奎閣同治十二

年巡檢胡林與拔貢支葆恬支承祐培脩江口鎮奎閣道光

間舉人邵美璠與本鎮士民捐建春秋附祀於 文廟

神社
祇壇

在城南道光八年知縣周曦重脩社稷坐南向北為石主曰
本境社稷神位神祇坐北向南為木主三中曰風雲雷雨神
位左曰本境山川神位右曰本境城隍神位每歲春秋仲月
上戊日官具牲醴致祭

社稷祝文 惟三農而播稼九土粒食萬邦分五色以表郊圻

無疆敬脩祀事庶丸神倉於不匱尚饗

神祇祝文 惟永賴乘氣機而鼓盪溫肅攸宜磅礪以高深長

彭水縣志

卷二

祠廟

奎閣各壇

六一

神明保安庇護之恭修歲祀正固實良辰敬潔之功籩祗陳牲帛尚饗

附祭 祭日行常七年禮或下有亢旱至七日先禱山川次禱社稷

致齋祈雨即用社稷祭田等處仍事不另設壇或淫潦

祈晴若僧道誦經 彭邑謹遵定制附行於社稷壇內

雩祭祝文 某官恭膺勸稼俯維葦屋資仰體本力形穡服田赤

維馨尚冀明肅昭祈受賜之來牟率育庶俾豐裕於蓋藏尚饗

祭祝文 某官恭承功冀四序之職司羣蒙福蔭必使之雨

暘應候爰占默運聿集嘉祥勸元燠以流行俾無災而尚
稔仰靈樞之阜而民安庶幾寒化攸宜慶時和而歲

饗

先農壇

在河西乾隆三年知縣李光墀建嘉慶十五年知縣葉楸勳重脩道光七年知縣周曦重建每歲季春吉亥日致祭祭畢行耕藉禮知縣秉耒佐貳捧箱播種耆老牽牛農夫扶犁九推九返農夫終畝耕畢各官具朝服率耆老農夫望闕行三跪九叩禮

迎神奏永豐之章初獻奏時豐之章亞獻奏咸豐之章終獻奏大豐之章徹饌奏屢豐之章送神奉報豐之章望瘞奏慶豐之章

彭水縣志

卷二

祠廟

各壇

六三

祝文

惟念率神肇興稼穡時夏茲當東作咸服先疇配惟天

九五之尊歲舉三推之典恭膺守土敢忘神庥庶幾九穗雙

岐上瑞頻書於大有尚饗

附劉猛將軍祭

先會典載劉猛將軍為邑驅蝗正神部議附祀於

祝文

惟有大神之教仍賴明農神功垂之呵護茲當春季爰具菲儀

列籩豆以告虔為閭閻而禱伏祈螟螣賊力為驅除

順成共沐豐亨之賜尚饗

芒神

祀於東郊不設祠宇每年先立春一日遵僚屬出東郊迎

春次日及各官朝環擊以土牛者三醴然後胥芒役以神擊碎之鄉人

爭取其土
以爲宜年

迎春祝文

惟雨順風調令禾登麥熟百穀順成羣黎蒙福茲

於某月恭詣東郊
先期迎神敢告

鞭春祝文

宣化布則造物無私無愆雷動風散雨潤四時
以序

尊神發動春鞭
春令爲先敢告

城隍祠

在縣城南門外康熙十八年知縣萬青選建四十六年知縣陶文彬重修乾隆四十年知縣龍仲槐重建道光十六年知縣王鳳翥培脩每年清明日七月十五日十月初一日遵定

彭水縣志

卷二 祠廟 各壇

六四

例祭厲先期祭告城隍祠至日奉迎 神位入壇守土官公服詣壇行禮祭厲畢仍送 神位入祠

厲壇

在小北門外道光八年知縣周曦重建每年祭厲日迎城隍神位鎮壇主祭設 神位於壇上南向陳豕一羊一並酒饌楮錠各儀設無祀鬼神位於壇下東西向陳三牲酒饌羹飯主祭官詣 神前行三叩禮贊禮生讀祭文畢復三叩興焚祭文楮錠等物於壇而退

前期告牒

彭水縣遵承禮部割付爲祭祀本縣合境無祀
鬼神等衆事欽奉 皇帝聖旨 厲文後祭依時

<p>中享祭有命生此為處良城善隍歿以遭主刑此禍祭死鎮於控無辜場者鑿神察當諸鬼於等所類司</p>	<p>使或之善還終生出於國僥倖者太神平當之達福於所有司屏為之四頑夷善犯惡刑之憲</p>	<p>報壇神城北無置私備欽奉酒如羹此飯今享職祭等本不縣敢無有祀違鬼謹神於等某年然月幽日</p>	<p>冥異期分人遣力諸難將為召必集資本縣神力境庶鬼得靈感等通眾今特日移文赴於壇</p>	<p>所私普昭享報一為祭此合神移當縣欽奉牒請照驗勅施行鎮控壇場鑒察善惡</p>	<p>祭厲文 祀彭水縣等全街遵欽依禮部劄付為聖旨祀普天縣之合境后無</p>	<p>一土故之天上無之不廣有兆人無之不眾有必鬼立人君鬼以之道幽君明雖其大又理設則</p>	<p>官之分上職下為之府職州綱縣紀以不各紊長此治又人於之每道百如戶此設天子里祭長天以地統</p>	<p>神祇民及祭天其下祖山川及里國社各土府穀州之縣神祭上境下之山川各及有祀等第神</p>	<p>彭水縣志 卷二 祠廟 各壇 六五</p>	<p>此何事故神之沒道其如間此有尙遭念兵冥而之損中傷者祀有鬼神於昔水為火盜民賊未</p>	<p>刑禍有而被負人屈取死財而有逼天災者流有行而人疫強奪妻有妾而猛死獸有蟲</p>	<p>所自害戕者有為因飢餓屋凍傾頹而壓死戰者門有遠商征者旅有死因未危歸急</p>	<p>籍或者兵有戈死擾後攘無流子孫他者鄉此或等人鬼烟魂斷或絕終久於缺前享代或姓沒氏於泯近</p>	<p>散結於一陰時靈祀或典依無草聞附而木作載為此妖等孤悲魂號死於無星所月依之精下魄呻未</p>	<p>吟墮於沈淪意之懸凡而望人祭間興言節及心此憐陽其世慘魂慄渺故敕以天無下歸</p>	<p>有府州依郡享厲祭之在京各縣泰有厲邑之厲祭之王國一有里國又厲各之有祭</p>	<p>城隍以之主祭於欽神依人此而血職食等不敬神有而違知設禮壇仍於命城北縣</p>	<p>眾以靈某其不日昧設來備享此醴祭羹凡飯我專一祭縣本境內合人境內倘無有祀忤逆神不等</p>
---	---	---	---	---	--	--	--	--	-------------------------------------	--	---	--	--	---	--	--	--	--

孝不敬者有親避有奸盜詐偽不畏公法此者有惡拘曲作不良
壓善良者有親避有奸盜詐偽不畏公法此者有惡拘曲作不良
之徒號為良民於重城則徒流絞其斬事不得遇生還鄉里若事未發
露必遭陰譴使舉家並染瘟守禮六畜不為利善如有正順
父人神子必達守之鄉里陰等閣縣官使其家有道安利農朝事順下
之妻神子必達守之鄉里陰等閣縣官使其家有道安利農朝事順下
父人神子必達守之鄉里陰等閣縣官使其家有道安利農朝事順下
枉善鬼有貪鑒財作之弊蠹政害非諛諛之祭尙饗一體昭報如此

既濟宮

在城南嘉慶五年知縣江鎮西重建內合祀 龍神 火神

故以既濟名光緒元年知縣莊定域重脩並附祀 呂祖於

內每歲春秋仲月諏吉致祭 龍神 火神祭品均用帛一

彭水縣志

卷二 祠廟

各壇

六六

羊一豕一果實五盤尊一爵三主祭官行二跪六叩禮

呂祖疊經

敕封燮元贊運警化孚佑眞君設位致祭每歲二月初八八月初

四爲祭期祭品用果實蒸餅饅首茶棧等儀官行三跪九叩

禮

龍神祝文

惟順神德洋寰海澤潤蒼生先襄水土安瀾占
隆報享謹遵祀典式育協良辰敬布几筵肅陳牲幣尚饗

火神祝文

惟明彰神德著離宮光參化育土陽生而水象啟
丙丁之實大賴用昭我生而咸資仰邀九神貺敘麗

茲萬物之實大賴用昭我生而咸資仰邀九神貺敘麗

洪麻爰遵祀幣敬之儀式筵叶尚秋春饗嘗裡

呂祖祝文

惟魁之神怪法玉判五雷相通風三雲雷闕之選仁仙術掃魘無

極子啟河洛之神苞符易註壽山昭堂特祀乾坤之歆享益鞏固

聖蹟應答洛神之恩茲屈仲壽用昭特祀庶幾之歆享益鞏固

三賢祠

長在東山舊宋史官黃庭堅每祀漢春秋仲月軍馬致唐太傅

相國祠

參在並附祀之明德相國秦蕭子華

通祀

川主廟

祀在趙外者北趙各一李廟皆祀以秦治蜀郡太守李冰父並子有或謂主當

而稱然李先淘而灘作堰且功在生治民尤能以上源趙者則興利在嘉徒州

彭水縣志

卷二 祠廟

既濟宮各祠

六七

使以異蹟見後稱若趙其利也故但以國朝術奏神定李冰一封號之為災不澤能

代興所加祐國王朝二並未議承定績則廣賓主判然矣各鄉多號其廟係前

許眞君廟

之在為城南陽門內仙一去後鄉壽人宮為立萬壽宮許則宮諱遜字古敬

也今為江西會館

眞武廟

天在宮城北山萬壽山亦有一元

紫雲宮

舟一行在者城內之一各在鄉城南鎮亦多稱有王爺廟祀鎮江楊宮泗將軍神

廢後耆民周紹七魯年凡巡六年胡而竣籌金碧輝煌頗為壯麗其

軒轅廟

土在城南本邑

禹王宮

為在兩城湖內來各川鄉諸亦人皆有館之

東嶽宮廢在城南石門上萬姓甲辰存邑江口徐鎮宗下廣溪建後雖此迭經修

靈官廟江本口城鎮及有鄉專祠多光緒祀元廟重中重建惟

南華宮咸在豐郁十山一鎮年祀燬六於祖惠後鄉為人捐費重會建館

蚩尤廟王在廟郁井山竈鎮商一名公鹹建泉龍

桓侯廟巨在為城內木神所像刻甚

財神廟貢一生名蕭元瑛壇捐官貲重脩復稟抽油者釐以財充焚獻同之治用

雷神廟治在八郁山巡鎮檢水胡林子黜前革首事驅逐無賴另易公處正其首事同

監生王炳瑞完固於

巧聖宮班在郁小山北鎮門外有祀之公輸

彭水縣志 卷二 祠廟 通祀 六八

壁山祠十在月初一鎮日其縣令迎畧城隍祭厲每壇則清明日亦七月十錠五羹

飯祭入祠莫野考其山自始成都芬著壁山所考謂神壇為趙延

送神入祠莫野考其山自始成都芬著壁山所考謂神壇為趙延

年夷銅賊逼人城民巴禱川於其以廟忽有授甲兵州洵刺逐卒賊退去廟咸為延

之崇甯助中賜所廟奏號普澤又謂烈侯梁民縣祀有之望水仙早橋即瘥里必人禱望焉

延神之哉仙去者然中既謂神其號生威烈前行部號普澤何以其清又幽曰有壁與山時廟

遊之志故壁山亦降有祠銅壁立二字在止巴此合聯皆不以非名即其神之而封

以偶爾神之部考之證壁至山於名廟之稱壁歟山神所稱壁山大帝可為仍無澤廟

據以當壁山廟有祠即當廟以神壁為山大號帝乎然有則通郁人山當亦有

河漢斯夷寇又掠境延志之政績兵門襲破之唐以大功歷授中趙州刺史兼資川

瀘渝合山經畧亦巡撫使止此捍患耳並未言爲壁山隍神也人卽死延
之者不必知其竊名謂也神之履大帝不當別有一多神非卽趙延之則祀
普澤廟中趙延之威烈

三撫廟

神舊像在於城北主祀楊中安各冉三罕撫其廟因年久足傾場有邑人遷

山王廟

首按六山海經極各獮山惡城有內狀各不鎮每邑所祀各廟山惟王山則箐三

建鄉僻處多
專祠

水府宮

場在江涪口鎮水信甯

太陽廟

敢按僭王今宮各祭鄉朝有日此本廟爲大典非庶民所

牛王廟

農在靛公建壩

彭水縣志

卷二

祠廟

通祀

六九

馬王廟

向在縣守城北今防亦建郁此山廟鎮

寺觀

玉皇閣

山在濱江南約甘瓦山上相傳之建自士閣卽有其前樓院十八後因年久自

傾圮遂離而爲二云閣中有元始天尊
石像舊於士中掘出者尤著靈異焉

大士閣

閣在南院門外舊本一玉廟皇

長壽寺

午在風城山內

觀音堂

音在長壽寺之下廟又極多峯不觀能下悉有載

雲頂寺

復在摩圍山三雲所陶峯正文殿彬生祠附焉處

開元寺

詳在古郁蹟山鎮

白石寺在側地鎮後幽僻河

天池寺治在十郁三鎮年鳳本寺上持年久重頽廢同

壽井寺自在唐郁時井與山頂相創傳

回龍寺鄉各在鄉雙多江有口之皆郁鎮此在寺而井左保家樓有在石刻觀山音像龍相射

傳昔於水祠之浮有求者輒應朝拜者雲集焉

龍泉寺鄉橋梓有鹿鳴之二

長生觀武在初戶山國朝邑康熙朱潘有脩詩同治元年復明脩洪

天元寺水口寺 觀音寺 三山寺 俱在

三元寺石鐘山寺 青蓮寺 三沙鄉 俱在

彭水縣志 卷二 祠廟 寺觀 七十

凌雲寺萬在靈雞山冠鄉

寶興寺羅在雞冠壩鄉

文靖菴 白衣寺 寶峯寺 幸光寺

玉皇觀 普陀巖俱在波惹壩

蓮花寺有在龍水射極鄉山如蓮花寺不涸久雨不盈龍橋鄉亦清幽側

三仙寺道在龍居射之鄉舊三面松竹今皆枯萎惟寺獨存有三

楊柳水寺境在萬足幽雅鄉

雲霧寺常在萬足霧鄉罩四之時

大覺寺鳳在長山灘上鄉